



**NATIONAL UNIVERSITY OF LESOTHO  
INSTITUTE OF EXTRA MURAL STUDIES  
RESEARCH, EVALUATION & MEDIA DEPARTMENT  
DIPLOMA IN MASS COMMUNICATION  
2022/2023 ACADEMIC YEAR**

**MAC 0202 – Functional Sesotho – Year 2  
First Semester Final Examination Paper**

.....  
**Pherekhong 2023**

**Marks: 60**

**Lihora tse tharo.**  
.....

**Litemoso:**

- Bala lipotso ka hloko.
- Araba lipotso tse tharo. Potso ea pele e tlama bohle
- Ha ua lumelloa ho fana ka pampiri ea tlhahlobo pele lihora tse peli li feta.
- Etsa bonnete ba hore u lokisitse liphoso mosebetsing oa hao ka botebo.

## KAROLO EAPELE

### POTSO EA PELE

a) Fana ka mohlala oa lipolelo tse latelang:

- I. Polelo – nolo e nang le baetsi ba bangata.
- II. Polelo – tekano e arotsoeng ka feeloane.
- III. Polelo – tekano e kopantsoeng ka sehokelo.
- IV. Polelo – marara e le 'ngoe.
- V. Polelo - tekano - marara.

[10]

b) Haha lipolelo tse nang le moelelo o hlakileng ka mantsoe a latelang:

- I. Mohlomong
- II. Khabareng
- III. feela
- IV. Ho feta moo
- V. Ka lehlakoreng le leng

[10]

c) Lokisa liphoso tse hlahang seratsoaneng se latelang, u sa fetole moelelo oa sona:

Nna ha ke ea utloa ha a mpitsa. Ke maketse fela ha a njoetsa hore ke iphapanitse ka boomo. Ha litaba li le boemong bo ebe ho ka etsoa joang, ke mang. O oa mpona hore ke ne ke sa etse ka boomo empa o njajabetsa ka bohale. Leha ho le joalo, ke ntse ke itukisetsa ho ea helimo moo ha hae ke il'o kopa tsoarelo.

[10]

## **KAROLO EA BOBELI**

(Khetha lipotso tse peli karolong ena)

## **POTSO EA BOBELI**

Fetolela puo ena e ngotsoeng ka Senyesemane Sesothong.

When you want to live a happy life, tie it to a goal, not to people or objects. Life will always be hectic and complicated. Stop waiting for life to get easier or better in order to be happy. Learn to be happy now, otherwise you will run out of time. Enjoy the little things in life, one day you will look back and realize they were the big things. Life changes very quickly, in a very positive way if you let it. Life is not meant to be easy; it is meant to be lived. Sometimes happy, other times rough. But every up and down you learn lessons that make you strong.

[15]

## **POTSO EA BORARO**

Balisisa litaba tse latelang ebe u iketsetsa moralo oa linoutse.

## **BOTSEBI HAR'A BASOTHO.**

Kamoo ba baholo ba bolelang, Basotho ba khale ba ne ba thahasella botsebi haholo, 'me bana ba bontšang chesehello le tšekamelo e itseng ba khothaletsoa ka matla ho leba teng. Mohlala ea botsebi e ne e le ea bongaka/ boalofi e – bang ke ba ho tseba methokho kapa bonohe; bolala ba ho tšolla tšepe ka mefuta ea eona, ho etsa marumo, mehoma, likhau tsa mang`osa le bahlabani; likoakoa le tse ling; bokhabi/bonono bo hlalositsoeng ho tharo(3) ka holimo mona; boruti boo mehleng ea masoetso e neng e le basuo ba mophatong (leha kajeno bo se bo bolela feela setsebi sa tsa tumelo, se rutang ka litaba tsa Molimo, karolo e 'ngoe ea bona e se e le ea ba rutang lithuto tsa sekolong); boroki bo akaretsang botsebi ba ho qapa le ba ho reneketsa lithoko, haholo tsa bahale/marena; bobini bona ke botsebi ba lipina tse tsanyaolang; bohlabani ke bokoankoetla le botsebi ba ho fofonela lira, ho khahlela, ho nanarela, ho tlola le ho hlaba (ho bolaea) ba-lireng ntoeng 'me kahoo lira li ts'aba li bile li tlangoa ho hlonepha Sechaba; bomathi ke lebelo le leholo, le fetang le sekhahla la 'mutla le la phakoe, empa hape le mokoka le ne le ruiloe ke limathi tsa mag`osa a mathisang melaetsa e maruru ea ntoa, ea hore makhotla a bo-Matooane, bo-Sekhonyana le bo-Moselekatse ke ao a e-tla, a se a le kamora' lithaba tse itseng, ho itokisetsoe 'ona. Mehla ea kajeno e hlalositse botsebi ba mefuta e meng e mengata 'me bana ba Basotho ba ikakhetse ho ithuta eona ka setotsoana. Ke e kang: bofuputsi, borupeli, bohoai, borui ba liphoofole, boentjiniere (boahi,

bopotieli, bobetli-ba-mapolanka, bolepi-ba-maholimo), botoloki, bongoangoaretsi, bofofile ba mefuta e meng. Taba ena ea botsebi e bohlokoa haholo ho bacha ba rona, ka mabaka ana:

- A. Kaha ketso e bua ho feta polelo, ho bonolo ho ruta bana ka mehlala ea likhabane/litsebi tsa Basotho le tse ling, e le mokhoa oa ho ba kenya moea oa ho rata ho ba futsa le ho ba etsisa.
- B. Hore ba khore Sechaba sa habo bona moea, ba elelloe hore le sona se bile le bahale 'me se ntse se tsoala likoankoetla mafapheng a fapaneng a bophelo.
- C. Ho ba phephetsa ho itokisetsa ho etsa hantlenyana ho feta ba ba eteletseng pele liketsong tsa bonatla, molemong oa bona le oa Sechaba sa habo bona.
- D. Hore ba elelloisoe hore ha ho tse fumanoang li tonositse le hore hangata "mohale o tsoa maroeleng" kapa bohale bo fihleloa kathata kamora' ho fumana matsoabali le maqothantja a mangata.

[15]

#### POTSO EA BONE

U il'o fuputsa litaba Motseng o mong moo hotheoeng basali ba babeli ba tsoeroe ka mophatong, ka lintlha tse hlano, hlalosa lintho tseo u tla li ela hloko ha u mametse litaba tsena. [15]